

সারাদেশ

নারায়ণগঞ্জে সাড়ে ৯ হাজার ইয়াবাসহ গ্রেপ্তার ৪

প্রতিবেদক: Mahid Dhaka probe

প্রকাশের তারিখ: রোববার, ৩০ আগস্ট ২০২৬, ০৫:২৩ PM



সংগৃহীত ছবি

নারায়ণগঞ্জের বন্দরে মাদকবিরোধী অভিযান পরিচালনা করে ৯ হাজার ৫৫০ পিস ইয়াবাসহ চারজনকে গ্রেপ্তার করেছে র্যাব-১১। মঙ্গলবার (২১ জুলাই) সকাল ১১টায় বিষয়টি প্রেস রিলিজের মাধ্যমে গণমাধ্যমকে জানান র্যাব-১১ এর অপস অফিসার ক্যাপ্টেন রওনক এরফান খান।

এর আগে সোমবার (২০ জুলাই) রাত সাড়ে ৮টার দিকে বন্দর থানাধীন মদনপুরের রাফি ফিলিং স্টেশনের সামনে ঢাকা-চট্টগ্রাম মহাসড়কে চেকপোস্ট পরিচালনা করে তাদের গ্রেপ্তার করা হয়।

গ্রেপ্তাররা হলেন মো. রুবেল (৩০), মোছা. হীরামনি (২৬), নুরুল ইসলাম (২১) এবং ফাহিমা জান্নাত (২০)। তাদের মধ্যে রুবেল ও হীরামনি দম্পতির বাড়ি কক্সবাজার জেলার চকরিয়া থানার পূর্ব ডুমখালী এলাকায়। অপর দিকে নুরুল ইসলাম ও ফাহিমা জান্নাত দম্পতির বাড়ি কক্সবাজার জেলার ঈদগাঁও থানার পূর্ব গজালিয়া এলাকায়।

র‍্যাব জানায়, গোপন সংবাদের ভিত্তিতে সদর কম্পানি, নারায়ণগঞ্জের একটি চৌকস অভিযানিক দল ঢাকা-চট্টগ্রাম মহাসড়কে চেকপোস্ট স্থাপন করে। এ সময় হানিফ পরিবহনের একটি বাসে যাত্রীবেশে থাকা চারজনকে তল্লাশি চালিয়ে তাদের কাছ থেকে ৯ হাজার ৫৫০ পিস ইয়াবা উদ্ধার করা হয়। পরে তাদের গ্রেপ্তার করা হয়।

র‍্যাব আরো জানায়, গ্রেপ্তাররা একটি সংঘবদ্ধ মাদক চোরাচালান চক্রের সক্রিয় সদস্য। তারা দীর্ঘদিন ধরে কক্সবাজারের সীমান্তবর্তী এলাকা থেকে ইয়াবার বড় চালান সংগ্রহ করে আইন-শৃঙ্খলা রক্ষা বাহিনীর চোখ ফাঁকি দিয়ে অভিনব কৌশলে নারায়ণগঞ্জ, ঢাকা ও আশপাশের বিভিন্ন জেলায় বহন, সরবরাহ ও বিক্রি করে আসছিল।

র‍্যাব-১১ এর অপস অফিসার ক্যাপ্টেন রওনক এরফান খান বলেন, গ্রেপ্তার চারজন আসামির বিরুদ্ধে বন্দর থানায় মাদকদ্রব্য নিয়ন্ত্রণ আইনে নিয়মিত মামলা রুজু করা হয়েছে। আজ তাদের আদালতে পাঠানো হবে।

এ বিভাগের আরও খবর



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...



আন্তগঞ্জে রুমিন ফারহানাকে অবাস্তিত ঘোষণা, বিএনপির ঝাড়ু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তগঞ্জে ব্রাহ্মণবাড়িয়া-২ আসনের স্বতন্ত্র সংসদ সদস্য ব্যারিস্টার...



তিতাস নদীর তীরে গ্রাম-বাংলার ঐতিহ্যবাহী নৌকা বাইচ উপভোগে অর্ধ লক্ষাধিক মানুষ
ভাত্রের তপ্ত রোদ উপেক্ষা করে ব্রাহ্মণবাড়িয়ার তিতাস নদীর দুই তীরে জড়ো হন অর্ধ লক্ষাধিক মানুষ। তাদের করতালি ও উচ্ছ্বাসে
মুখর হয়ে ওঠে নদীর পাড়....



বাংলাদেশ ইনোভেশন ফেয়ারে বেরোবির চার উদ্ভাবনী গবেষণা প্রকল্প
বিজ্ঞান ও প্রযুক্তি মন্ত্রণালয়ের উদ্যোগে আয়োজিত জাতীয় পর্যায়ের [বাংলাদেশ ইনোভেশন ফেয়ার ২০২৬]-এ অংশ নিয়েছে বেগম
রোকেয়া বিশ্ববিদ্যালয়, রংপুর (...)

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/narayngnje-sare-9-hajar-iyabash-greptar-4>